

PAKIEVIS

ŽELVĪTĒ DANGUOLĒ
SUNGAIULIENĒS LORETAS
PORTĒGRAPĒJĒS

Iš Verpernuos važioujem link Vaiguvuos. Mašinā isēsmarkavos, vēs žvalguomies, kor tas Pakievis (seniau žmuonis tou kaima ēr Pakieviem liuob vadintē). Gīvenvietēs pavadēnēms kēlēs nu šalēp esontē nedēdēlē Kievēs ežerelē. Nu če lig Vaiguvuos – aple 5 kēluometrā.

Onkstiau če īr bovēs nemažos kaims – 1923 m. gīvena net 177 žmuonis. Sovietmetio kurī laika Pakievis bova apīlinkēs cēntros.

1830 m. Pakievie Radavīčienē Teklē pastatē Švēntuos Teklēs bažnīcē, katra bova Vaiguvuos filējē. Uzdārīta ana pu Ontruojē pasaulēnē kara.

XVII omžiou jau bova garsos ēr rašītēniūs šaltēniūs ne karta pamēnavuots Pakievēs dvars, aple katrou ženiū rondam ēr 1685 m. Beržienū valsčiaus aktūs. Tou dvara vēs atsēmēnam ēr diel tuo, ka če 1813 m. gēmē garsos rašītuos, etnuoluogs, lituanistēnē sājūdē dalīvis Jocevičē Liodvēks Aduoms. Ons ēr sava darbus tonkē liuob pasērašītē slapīvardio so sava gimtuojē kaima pavadēnēmo – Liudwik z Pokiewia. Iš tuo dvara nedaug kas īr lēkē, bet kieli i anou rondam. Rada kieli če ēr kētē žmuonis. Atrada ēr sosēprata, ka rēk dvara ontram gīvenēmou atkeltē. Matīdams, kāp če darbā vikst, pradēdi tēkietē, ka gal atgimtē ē vēsos kaims.

1874 m. Pakievie mērē konēgs, poets, lietovēškas religēnēs literatūras rēngies Rimavičē Karuolis Bruno.



Vēršou – Pakievē sakralēnē ansablē (koplīcēs-mauzuoliejaus) griuviesē – praejose laika liudininkā; apatiuo – Pakievē apīlinkēs onkstīva pavasari

Uns bova gēmēs 1801 metās. Solaukēs dvēdešim ketoriū, istuojē i karmelitu vienuolīna. 1839–1865 m. gīvena Kuolainiu vienuolīnē, paskiau dērba vēkaro.

Netuolēj nu Pakievē, už 3 kēluometru, īr Putvinskems priklausiusi Grauzēkū dvara suodība.

